



KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 2042-1/22 Z-09

Datum: 29.11.2022. godine

ZAPISNIK

Sa 17. (sedamnaeste) sjednice Upravnog odbora JU "Kantonalnog zavoda za zaštitu kulturno-historijskog i prirodnog naslijeđa Sarajevo", održane u utorak, 29.11.2022. godine, sa početkom u 15:30 h.

Sjednici su prisustvovali: Azra Koldžo, predsjednica Upravnog odbora, Selma Karačević-Kapić, zamjenica predsjednice Upravnog odbora, članice Upravnog odbora Elša Turkušić-Jurić i Mirsada Škrijelj, Boris Trapara, direktor Zavoda i Emir Ramić, stručni saradnik za pravne poslove.

Zapisnik je vodila Nina Tikveša, uposlenica Zavoda.

Sjednici nije prisustvovala članica Maida Šahinagić koja je podnijela ostavku Ministarstvu kulture i sporta Kantona Sarajevo uslijed nemogućnosti da prisustvuje sjednicama Upravnog odbora.

Azra Koldžo, predsjednica Upravnog odbora, pozdravila je prisutne i predložila sljedeći Dnevni red za usvajanje:

DNEVNI RED

1. Usvajanje Zapisnika sa 16. sjednice Upravnog odbora,
2. Usvajanje Pravilnika o uspostavljanju i radu Komisije za nabavke,
3. Usvajanje Plana integriteta JU „Kantonalni zavod za zaštitu kulturno-historijskog i prirodnog naslijeđa Sarajevo“,
4. Razno.

Direktor Zavoda predložio je dodatne tačke dnevnog reda i to: Usvajanje Pravilnika o izmjeni pravilnika o unutrašnjoj organizaciji i sistematizaciji radnih mjesta, Odluku o drugoj izmjeni i dopuni Plana javnih nabavki za 2022. godinu i Saglasnost za realizaciju javne nabavke – nabavka stalnih sredstava u obliku prava. Članovi UO složili su se da se predložene tačke razmatraju nakon 3. tačke dnevnog reda.

AD-1 Zapisnik sa 16. Sjednice Upravnog odbora JU "Kantonalni zavod za zaštitu kulturno-historijskog i prirodnog naslijeđa Sarajevo" jednoglasno je usvojen.

AD-2 Pravilnik o uspostavljanju i radu Komisije za nabavke jednoglasno je usvojen.

AD-3 Emir Ramić obavijestio je članove UO u Preporuci Ureda za borbu protiv korupcije i upravljanje kvalitetom KS u kojoj se nalaže da se sa izradom Plana integriteta ne može početi prije 09.09.2022. Međutim, budući da su članovi radne grupe za izradu Plana integriteta JU „Kantonalni zavod za zaštitu kulturno-historijskog i prirodnog



KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

naslijeđa Sarajevo" završili sa izradom Plana, Emir Ramić je napisao Napomenu koja bi trebala biti upućena Uredu skupa sa sačinjenim Planom. Predsjednica UO, kao i ostali članovi UO, složili su se s tim da se Uredu skupa s Planom integriteta pošalje i pomenuta Napomena. Nakon toga, Plan integriteta jednoglasno je usvojen.

AD-4 U vezi sa usvajanjem Pravilnika o izmjeni pravilnika o unutrašnjoj organizaciji i sistematizaciji radnih mjesta, direktor Zavoda obavijestio je članove UO da se radi o tri zahtjeva. Naime, radno mjesto Viši stručni saradnik za zaštitu arheološkog naslijeđa se treba izmijeniti prebacivanjem iz sektora pokretne u sektor nepokretne baštine. Zatim, za dvije radnice se treba omogućiti napredovanje iz stručnog saradnika u višeg stručnog saradnika i to Amri Rodić, stručnom saradniku za dokumentacionu građu i Sejdi Handžić, stručnom saradniku za javne nabavke, obračun i likvidaturu. Predsjednica UO obavijestila je prisutne da se Pravilnik treba izmijeniti i da svaka izmjena mora imati obrazloženje. Nakon izmjena Pravilnika, članovi UO mogu usvojiti zapisnik na online sjednici.

AD-5 Direktor je potom obavijestio prisutne kako se Odluka o drugoj izmjeni i dopuni Plana javnih nabavki za 2022. godinu donosi u cilju provođenja javnih nabavki za kojima se ukazala potreba tokom 2022. godine, te stoga nisu sadržane u prvom Planu javnih nabavki i to: nabavka materijala, nabavka stalnih sredstava u obliku prava, Spomen soba Čire Truhelke, izrada Elaborata i Pravilnika o zaštiti na radu, redizajn WEB stranice, te geodetsko snimanje fasada Vile Matiasa Ribaricha ul. Jezero 2. i 4. kao osnova za tehničku dokumentaciju projekta restauracije, odnosno elaborata stanja vile. Druga izmjena Plana javnih nabavki za 2022. godinu usvojena je.

AD-6 U vezi sa davanjem saglasnosti za realizaciju javne nabavke – nabavka stalnih sredstava u obliku prava, direktor je upoznao prisutne kako se u Zavodu ukazala neophodnost za uspostavljanjem softverskog rješenja za vođenje i upravljanje predmetima – tzv. elektronskom pisarnicom. Kako bi se proveo postupak javne nabavke ovog sistema neophodna je saglasnost Upravnog odbora za provođenje postupka javne nabavke i potpisivanje ugovora čija vrijednost prelazi 5000 KM. Odluka kojom Upravni odbor daje saglasnost direktoru Zavoda za provođenje javne nabavke i zaključenje ugovora čija vrijednost prelazi 5000 KM jednoglasno je usvojena.

Direktor je zaključno obavijestio članove UO o zahtjevu SDC-a o oprostima duga i članovi UO mišljenja su da je potrebno održati sastanak sa SDC-om i sa njima dogovoriti plan otplate duga. Također, članovi UO zaprimili su Zahtjev za urgentno uklanjanje objekta postavljenog ispred Gradske tržnice i prosljedili ga na daljnje postupanje Federalnom zavodu za zaštitu spomenika.

Sjednica zaključena u 16:15 sati.

Zapisnik pripremila

Nina Tikveša

Dostaviti:

- Ministarstvu kulture i sporta Kantona Sarajevo
- Članovima UO (elektronskim putem)
- Direktor
- Arhiv UO
- Arhiv Zavoda

Predsjednica Upravnog odbora

Azra Koljzic